

25 Huijlixen voorwaarden mit eenkijndtschap
 contract aengaende Johan Heijnen en(de) Yetgen Adamsdr Verrijckt

Inden naeme ons heeren amen,

Sij kennelick eenen yderen bij den inhoudt van dit tegenwoordich instrument
 dat inde jaere desselfs ons heeren Jesu Christi sestienhondert seven en(de)
 30 veertich opte vrijen dach des maents juni is gemaect, getracteert,
 bededingt en(de) besloten een toecomende houwelick tusschen Johan Heijnen we-
 duwe man van Lijsken Seel Aertsdochter z(alige)r als toecomende bruijdegom geassi-
 steert mit Drijs van Kercken, Gijsken Peijtsen en(de) Gerardt Claess(oon) als
 gerichtelicke geautoriseerde en(de) gequalificeerde momberen van den v(oor)ss(eyt) Johannes
 35 voorkinderen, namentlick Johan, Cathelijcn en(de) Geritgen bij de v(oor)ss(eyt) Lijsken z(alige)r
 verweckt ter eenre. Yetgen Adam Verrijckts dochter als toecomende bruidt
 geassisteert mit haeren broeder Pouwels Adams, Hendrick opde Blackt
 de swager en(de) Peter Vaechts ter andere zijde als mede vrijnde en(de)
 maeghen en(de) dit houwelick te solemniseren nae 't gebodt der heijliger
 40 kercken tot vermeerderonge der Christenheijt en(de) haerer zielen salicheijt
 Gode geve daertoe zijne zege, amen
 Maer om te verhueden allen geschillen die tusschen de vrienden vanden
 ierst afflijvigen en(de) langstlevende soude mogen oprijsen. En oijck om
 dattet [erven] beteren vrede, eenicheijt en(de) lyeffde tusschen dese voorss(eyt)
 45 voorkinderen en(de) de kinderen welcke int toecomende houwelick voorghe(noemt)
 soudon mogen geboren worden so inde mogen onderhoud worden soo hebben
 de voorss(eyt) toecomende Eheluijden mit voorraedt en(de) assistentie der v(oor)ss(eyte)

1 momberen en(de) maegen ter beijder zijdts (ierst d'aggreatie, consent
en(de) octrij daerbaij opsekere Req(ues)te van een Eers(ame) gericht tot
Venraij ophuijden bij marginael Apostille gehadt en(de) verworven
5 hebben(de)) gemaect, geordonneert en(de) besloten sekere contract
antenuptial of houlixen voorwaerden In maniere, conditien
en(de) manieren volgen(de) Als nemen(de) een ijder tselve op hun consci-
ende aen Ehestadt dat de Eenkindtschap in dese bij de
10 Req(ues)te begrepen den voorkinderen voorss(eyt) wijde de kindren die
in dit toecomende houlick geboren mochten worden nijet schae-
delick dan ter beijder zijdts t'profijtelixste zal zijn : nae
15 hunne allerbesten kennisse beter gedaen als gelaeten gelijk
doch voorders volght
Ierstelick is besproken en(de) besloten dat dese toecomende Ehel(uijden) sullen
blijven besitten en(de) gebruijcken de hoffstede en(de) erffelicke en(de) gereede
15 goederen bij den voorss(eyt) Johan Heijnen al wijde inbesit hebben(de)
wijde oijck dat zij sullen gebruijcken moge allen 't ghe dat de
voorss(eyt) voorkinderen van Seel Aerts hunnen Grootvader soude
mogen vervullen ter tijt toe dat de voorkinderen ijder int be-
sonder tot sijne hijlicken off andersins tot zijnen mondigen jaeren
20 gecomen zijn en(de) alsdan een ijder int besonder als sulx ge-
beurt zijde contingent en(de) quote daerbij vuijt te richten
om erffelick te behalden en(de) te beërven.
De voorss(eyt) Yetgen toecomen(de) bruijt sal tot stuer ende sub-
sidie van dit houlick toecomen(de) inbrengen een hondert gulden
25 patrimonieel penn(ingen)) en(de) daer beneffens noch vijff en(de) tseven
tich gulden van haere selfs verdiend penn(ingen) dewelcken
voorghe(noemde) een hondert vijff en(de) tseventich gulden nae 't leven
van(de) voorghe(noemde) Johan en(de) Yetgen hunne naekindern als moe-
derlicke goederen zijn(de) (int scheijden en(de) deijlen tusschen de
30 voorkinderen en(de) naekinderen) oijck voor vuijt wedrom
sullen hebben behalden en(de) beërven.
Maer 't ghe dat de voorss(eyt) toecomende Eheliuden staen(de) t voorss(eyt)
toecomen(de) houlick sullen mogen winnen, werven en(de) proiffi-
35 teren wye oijck des voorss(eyt) Johan Heijnen des bruijdegoms
goederen onder Lull in erffgronden, gereede en(de) ongereede
gelegen en(de) in wesen zijn(de) en(de) toecomen(de) die sullen tusschen
dese voorss(eyt) voorkinderen en(de) die kijnderen welck in dit
toecomen(de) houlick geboren mogen worden gelijkelick als
40 mits en(de) in cracht deses tot een kinderen gemerckt zijn
heeft gelijkke gediyn worden en(de) aen der selve erven ende suc-
cederen doch de langstleven(de) van dese toecomen(de) Erheluden
de tochte daeraen wel behalden blijven(de),
Maer ingevall 't mocht gebeuren dat van dit toecomen(de)
45 houlick, geene lijffs erven van(de) voorss(eyt) toecomen(de) Eheluden
geprocreet en(de) geboren en mochten neergelaten worden, soo
sullen des voorss(eyt) Yetgens de bruijts patrimonial, in-
gebrochte hylicx penn(ingen) ad so hondert gulden bedragen(de), we-
derom devolveren, keeren en(de) vallen aen haerer zijdts erffge-
naemen en(de) naeste bloetmagen.

1 In deser voorss(eyt) vuegen en(de) manieren sal de voorghe(melte) eenkindtschap sijn
 effect sorteren en(de) onderhouden werden, en(de) in voorghe(noemde) manieren dese
 hijlixen voorwaerden malcanderen een ijder voor soo veel hem aengaet
 5 beloyven(de) te voltrecken sonder hyer tegens te doen ofte laten doen in
 eeniger hande manieren en(de) sonder eenigerhande bedroch, soo hebben
 tot vaster beloyften en(de) bestendicheijt dese toecomen(de) Eheluyden dese
 onder handtmerqt eigenar handen, wye oijck de voorss(eyt) momberen
 in qualiteijt voorss(eyt) ter eener aen sijde des bruijdegoms en(de) de
 10 voorghe(noemde) broeder en(de) swager des bruijts ter andere zijde benefens
 Peter Vaechs als maghe en(de) getuijge in desen present ter
 selver oircondt en(de) bestendichijt van alle 't ghe voorss(eyt) dese
 mede ondertekenen en(de) door de landtschrijver laten onder-
 schrijven. Aldus gedaen ten huysen van Johan Claess Hendricxen
 tot Venraij aen(de) Eijnde. Op voorss(eyt) dach en(de) date en(de) mede
 15 bij Jan Claess(oon) als tuijge ondertekent. Was ondertekent
 Johan Heijnen # merqt, Drijs Verkercken X merqt
 Gijsken Peijtsen III merqt, Gerijt Claess(soon), Tegen over stond
 Yetgen Adams Verrijckt, haer waere merqt I alhier geset
 Pouwels Adams I merqt, Hendrick opde Blackt III merqt
 20 onder int midden stondt, Peter Faechs Vermuelen, Jaen Claess
noch ondertekent Matt(ias) Alartss(oon) landtschrijver

RHCL, schepenbank Venray, 3825, folio 152-153.